

北京圖書館 編

北京圖書館藏珍本
年譜叢刊



第 38 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 38 冊



第三十八冊目錄

建文年譜	一
龔安節先生年譜	三〇一
況太守年譜	三四七
芳洲先生年譜	三五七
吳聘君年譜	四九七
薛文清公年譜	五四三

建文年譜序

謙益徃待罪史局三十餘年網羅編摩罔敢失墜猶於邇
國時事傷心捫淚紬書染翰促數閣筆其故有三一則曰
實錄無徵也二則曰傳聞異辭也三則曰僞史雜出也蕉
園蠶室盡付劫灰頭白汗青杳如晉夢唯是我文皇帝
之心事與讓皇帝之德三百年臣子未有能掄揚萬
一者迄今不言草亡木平祖宗功德泯滅於余一人之
手魂魄私憾寧有窮乎何言乎文皇帝之心事也至午

已還天位大定 文皇帝苟有分毫利天下之心國難方
新遺種未殄必翦滅此而後卽安張天網以籠之頓八紘
以掩之閉口捕舌遁將何所以 文皇帝之神聖明知孺
子之不禁也明知亡人之在外也明知其朝于黔而之於
楚也胡濙之訪張邈邈捨人而求諸仙迂其詞以寬之也
鄭和之下西洋捨近而求諸遠廣其塗以安之也藥燈之
詛呪雜染之藉手彼髡之罪百倍方黃以榮國楊前一語
改叅夷而典僧錄其釋然于溥洽昭示中外者所以慰藉


少帝之心而畀之以終老也 文皇帝之心 高帝知
之 興帝知之 天地鬼神知之三百年之臣子安處華
夏服事其 聖子神孫尚論其心事則懵如也日月常鮮
琬琰如積而 文皇帝之心事晦昧終古此則可爲痛哭
者又何言乎 讓皇帝之至德也金川之師禍深喋血
讓皇帝苟有分毫不忘天下之心憑仗 祖德依倚民懷
散亡可以收合蠻夷可以扇動衛世子之焚臺衛太子之
詣闕誰能非之誰能基之 讓皇帝明知大命之不可干

也明知大位之不可再也明知本支百世之不可傾動也
以神州赤縣爲孤竹之封以髡髮壞衣爲採藥之遁耄遜
遐荒自比退耕于野頭陀乞食豈曰糊口四方由是而內
治外攘踰沙軼漠 高皇帝之基業安 祖宗之統緒安
三百年之天地人鬼罔不大安寧非 讓皇帝之所詒乎
讓皇帝之至德婉諸泰伯其難易尤相倍而三百年之
臣子不能知也有其知之不能盡言也夫旣已知之不能
言之不盡矣而其所以不能知不盡言者輪囷苞塞終不

能泯滅于斯人斯世於是乎憤盈交作新舊錯互實錄廢則取徵草野之書傳聞異則占決父老之口梵宮之轉藏教坊之冊籍旅店市傭之留題斷句無不採集無不詮表亦足以闡幽潛勸忠孝矣而斯人之心不但已也於是乎四十餘年出亡之遺跡易代已後歸骨之故事問影訪求鑿空排繯亡是司契子虛削牘訊筮與于巫陽聽行等于王母公羊指定哀之疑陸賈懼丹青之惑固將軌夢以爲實又且巡故而造新曰夫已氏一妄男子乘是以賈弄筆

舌鋪張祖先若吳下流傳諸錄其譌僞歷然著明而舉世
不盡知也有其知之則又曰西方之山隰猶思美人蜀地
之禽鳥豈真望帝信固當傳疑亦可恤過而存之不忍廢
也於是東萊之君子趙君士喆者作爲建文年譜年經月
緯事比詞屬會粹諸家記錄而整齊其文章以宿老如謙
益固亦常援据史乘抗詞駁正讀未終卷淚流臆而涕漬
紙歔歔煩醒不能解免夫然後知 讓皇帝之至德沁入
人心者如此其深且厚而趙君之爲斯譜本天咫述民彝

備國故搜遺忠當滄海貿易禾黍顧瞻之後欲以殘編故
紙慙遺三百年未死之人心是豈欲與世之君子擅陽秋
矜袞鉞爭名於竹帛哉其亦可感而思已矣謙益衰殘耄
熟不敢復抵齒史事趙君之弟刺史公言念舊史俾爲其
序螢乾蠹老口噤筆禿伸寫其狂瞽之言識于首簡亦聊
以發觀者之一慨而已矣歲在戊戌春王三月二十有一
日石渠舊史虞山蒙叟錢謙益謹譔



天竺寺

序

目

建文年譜序

帝紀無年譜者編年之例非乎然而始乎治者卒乎治始乎亂者卒乎亂卽有鮮終無潛亢迴絕隱顯互惑者譜年變也負宸而奪嫡矣黃屋而團瓢矣冠劍而瓶鉢矣烏得不變雖然虎鼠易龍蛇革而彼數君子依依故主風雨晦冥遠辭歸國之賞下謝浴日之名惟忠與孝膠固不解則變而不失其正者也使當年遭際平世時無疾風君雖聖不過文景臣雖賢不過姚宋其中淪落下位有不克自表

見者矣胡能擔荷千秋裨益名教弘且遠若是靖難諸公
乘時附會以取功烈胙茅土非不膾炙流俗之口至于高
風亮節攸敘彝倫有慙德矣詳按譜牒自壬午迄庚申三
十八年之中以天家帝子魚服豹隱忽吳忽越忽闔閭
秦忽鹵粵忽滇黔踪跡往來無日不在人間而吉綱彌天
任鉤被地求仙之詔甫遍名山入海之師又勤異域廟堂
之上惶惑震動如負芒刺而箬笠僧伽優游自在曾無敢
撓其一鱗胷其片翮者所稱聖不可知非歟諸臣之從之

也曰有疏附先後曰有奔走禦侮或遠或近總成完人程先生濟神通變化遠軼文成其三丰顛仙之流與高皇帝天縱明哲既留一道衍以佐文皇成大業而復畱一濟以助帝免大難兩賢豈相厄哉然而程先生深遠矣帝旣上仙濟迺晦跡見首而不見尾其視榮國一髡猶蠃蜒耳應賢應能雪菴和尚輩非髡與是祖位中人金剛百鍊不因魔力不顯道妙衍則墮落矣宜其妙之申申而詈也甲乙之事天道反覆至聖受甌死者

彪炳髡猶自靖然簪之髡獲侍 故主于天涯而今之髡
不獲侍吾 君于帝右致身之義俯仰裒慙此未死孤臣
所以悲歌痛哭嗚咽怨艾而恨不速殞者也或曰革除之
舉啓釁有自一錯召吳群錯倡和以構斯難罪何追焉予
曰姑舍是世將魑魅人將漸滅表而出之以愧臣子之奕
視其君者春秋責脩未遑施也則又有致詰者曰璧經古
文人尚疑之汲冢也三墳也猶以後出指爲膺本程史之
書則未知其傳信與傳疑與而子介然不惑何也曰天地

正氣亘古不磨一經筆墨動有鬼神呵護昔腐遷作史記
欲藏之名山傳之其人揚子雲不度德作玄擬易而嗜者
猶曰後世必有知已何況忠臣義士精誠激烈堅踰金石
其所紀載星日爲昭世界總壞此無壞理所南心史出自
井中歷三百年完好如故是非其明驗與而何疑于程吏
之書且書中所記艱難險阻之狀離合聚散之情豈同他
文憑空結構自非身親涉歷無緣模擬隻字以是爲疑是
人性中無復忠孝種子矣東海趙伯潛先生綠博淵源目

空四庫而其忠孝至性天植不移自擬所南人亦遑之間
取二書附以群籍斷以已意纂爲建文年譜纔一披閱
本末了然英靈在天呼之或出吾知此編薄夫讀之必敦
頑夫讀之必廉懦夫讀之必有立志但勿令鄙夫讀之彼
肺肝中患得患失昏迷潰亂醜正護前非獨二書疑爲贗
本將并疑方景鐵練爲世所必無之人其所行事爲世間
必無之事而又何可救藥則先生婆心至此亦窮矣先生
著述甚富兩郎君皆矯矯自好能世其學予幸得受交于